



THEMA UPCCYCLING



Corona a vill Zäit doheem. Awer och zoue Butteker. Zoue Recycling Zenteren. Hunn ech elo déi leschten Zäit online akaaft oder mech éischer op dat Wesentlech beschränkt? Villäicht hunn ech gemierkt, dass ech op Saache vun deenen ech gemengt hunn ech bräicht ze onbedéngt, gutt verzichte kann? Oder ëmgedrënt: villäicht vermessen ech Saachen déi ech elo net méi kréien déi mir virdrun ni als esou wichteg virkomm sinn?

Zäit fir emol e Bléck op dat wat sech déi lescht Wochen doheem esou ugesammelt huet ze werfen an den Tri ze maachen.

Wat gehéiert alles an der Recycling ? Ass et rengen Offall oder brauch ech et just net méi ? Wou a wéi kann ech mäi Knascht reduzéieren ? Nohaltegkeet gétt ëmmer méi populär a mir fänken un ëmzedenken. Als Guide a Scout läit eis eis Ëmwelt um Häerz a mir versichen och eise Foussofdruck kléng ze halen.

Et fänkt bei kleng Gewunnechten un wéi z.B. fest Seef amplaz Seef a Plastikfläschchen, de Scoutsbidon mat Krunnewasser amplaz Gedrénks a Plastikfläschchen, de Pak-Gamelle amplaz vun dem Pakalu asw.



Gesäit et an ärem Keller och grad esou aus? Et kéint sech lounen nach eng Kéier e Bléck op den Offall ze werfen iert mir alles an de Recycling Zenter bréngen. Iergendwann fänken och eis Versammlungen nees un an a mir brauche villäicht nach dat een oder anert Material fir eiser Kreativitéit fräie Laf ze loossen.


Villes léisst sech wonnerbar weiderverschaffen oder huet, zwar mat Zweckentfremung, e prakteschen Notzen bei aneren Aktivitéiten.

Hei e puer Iddien :

- **Wäistëpp:** déi eegenen sech perfekt fir Allméiglech ze bastelen awer och fir déi nächst Partie Réppeltëppel
- **Zeitungspabeier:** als Ënnerlag respektiv fir de Buedem Ofzedecke wann dir déi nächste Kéier äre CaraPio-Sall faarflech ëmgestallt oder fir mol nees eppes aus Papier-Mâché ze bastelen, d'Zeitungsspill, e Lagerfeier a villes méi. Iwwer genuch Zeitung am Chalet wäerten sech all d'Branche freeën.
- **Jughurtsbecheren:** Eidel Jughurtsbecheren eegenen sech och perfekt fir all méiglech Bastelaktivitéiten oder einfach nees wann dir déi nächste Kéier mat Waasserfaarf moolt.

Du kanns awer och dengem Offall e neit Liewen schenken andeems de eppes Neies draus schaafts, och nach als Upcycling bekannt. Och hei hu mir e puer Iddien fir dech:

- **Kaffi-Kapselen:** Aus de Kaffi-Kapselen aus Aluminium kann ee flott Saache bastelen.



- **Al Dreckschëschen:** Villäicht sicht dir awer och nach eng richtig cool Entreprise fir dat neit Guiden- a Scoutsjoer. Wéi wier et mat e puer neie Miwwele fir äre CaraPio-Sall ? Häss du geduecht dass een aus alen Dreckschëschen ultra Design Fotellë baue kann? Sie si vläicht net sou bequem wéi déi al Couche mee maachen sech gutt an all Chalet. D'Virbereedunge loossen sech ganz easy elo iwwer Videochat maachen an da sidd dir vun der éischer Versammlung un prett fir ze bauen.
- **Paletten:** De Klassiker mee aus alen (Euro-)Palette loossen sech super vill flott Miwwele bauen. Wéi wier et z.B. mat enger neier Couche oder engem klengen Dësch fir äre CaraPio-Sall